



Број: 01/5-50-3-5-16/16
Сарајево, 11. 1. 2016. године

**IZVJEŠTAJ O RADU KOMISIJE ZA SAOBRAĆAJ I KOMUNIKACIJE
PREDSTAVNIČKOG DOMA U 2015. GODINI**

Sarajevo, januar 2016. godine

SADRŽAJ

POGLAVLJE I. UVODNI DIO	3
Tabela 1. Pregled sjednica Komisije s tačkama dnevnog reda	4
POGLAVLJE II. IZVJEŠTAJ O AKTIVNOSTIMA KOMISIJE.....	5
Odjeljak A. Zakonodavne aktivnosti.....	5
Odjeljak B. Izvještaji o radu.....	5
Odjeljak C. Imenovanja.....	5
Odjeljak D. Aktivnosti vezane za razmatranje i usvajanje ostalih akata	6
Odjeljak E. Ostale aktivnosti Komisije	7
Odjeljak F. Međunarodna saradnja, seminari, konferencije i radni sastanci.....	7
POGLAVLJE III. REZIME	8

Na osnovu člana 32. stav (2) Poslovnika Predstavničkog doma Parlamentarne skupštine Bosne i Hercegovine (“Službeni glasnik BiH”, br. 79/14, 81/15 i 97/15), u skladu s Uputstvom o metodologiji izrade izvještaja o radu komisija Parlamentarne skupštine BiH (broj: 01,02-02-4-574-1/13, od 10.4.2014.) i zaključkom Predstavničkog doma (broj: 01-50-1-15-15/15, od 22.7.2015.), Komisija za saobraćaj i komunikacije Predstavničkog doma Parlamentarne skupštine Bosne i Hercegovine podnosi Predstavničkom domu Parlamentarne skupštine Bosne i Hercegovine sljedeći

Izvještaj

o radu Komisije za saobraćaj i komunikacije Predstavničkog doma u 2015. godini

POGLAVLJE I. UVODNI DIO

Komisija za saobraćaj i komunikacije Predstavničkog doma Parlamentarne skupštine BiH (u daljnjem tekstu: Komisija) stalno je radno tijelo Predstavničkog doma Parlamentarne skupštine BiH (u daljnjem tekstu: Predstavnički dom). Djelokrug Komisije određen je članom 48. Poslovnika Predstavničkog doma prema kojem Komisija razmatra pitanja koja se odnose na: putne isprave, uspostavljanje i funkcioniranje zajedničkih i međunarodnih komunikacija, reguliranje međunarodnog i međuentitetskog saobraćaja, civilno zrakoplovstvo, informaciono-komunikacione tehnologije i druga pitanja iz oblasti saobraćaja i komunikacija.

Predsjedavajući Komisije je Momčilo Novaković, prvi zamjenik predsjedavajućeg je Nikola Lovrinović, a druga zamjenica je Hanka Vajzović. Ostali članovi Komisije su: Amir Fazlić, Staša Košarac, Šemsudin Mehmedović, Mirsad Mešić, Fehim Škaljić i Jovan Vukovljak.

Sekretar Komisije je Ahmed Jalovičić.

Komisija je obavljala poslove iz svoje nadležnosti u skladu s procedurama utvrđenim Poslovníkom Predstavničkog doma.

U izvještajnom periodu Komisija je održala 14 sjednica, s ukupno 48 tačaka dnevnog reda, u okviru kojih je usvojila 32 zaključka.

Prosijek prisustva članova Komisije sjednicama Komisije je 83%, a sjednice su u prosjeku trajale 66 minuta.

Broj i datum održavanja sjednice	Broj razmatranih tačkaka dnevnog reda na sjednici	Prisustvo članova sjednicama Komisije (%)
2. sjednica 12.1.2015.	5	89
3. sjednica 9.2.2015.	4	89
4. sjednica 9.3.2015.	4	89
5. sjednica 23.3.2015.	1	89
6. sjednica 23.3.2015.	3	89
7. sjednica 7.4.2015.	3	78
8. sjednica 27.4.2015.	4	89
9. sjednica 25.5.2015.	5	89
10. sjednica 8.6.2015.	4	89
11. sjednica 14.7.2015.	4	67
12. sjednica 20.7.2015.	1	67
13. sjednica 29.9.2015.	3	100
14. sjednica 18.11.2015.	4	78
15. sjednica 8.12.2015.	3	67
Ukupan broj sjednica: 14	Ukupan broj razmatranih tačkaka: 48	Prosječno prisustvo: 83%

Tabela 1. Pregled sjednica Komisije s tačkama dnevnog reda

POGLAVLJE II. IZVJEŠTAJ O AKTIVNOSTIMA KOMISIJE

U izvještajnom periodu Komisija je održala 14 sjednica, od kojih je jedna bila tematska. Također, Komisija je u izvještajnom periodu održala javno saslušanje.

Na 14 održanih sjednica Komisija je razmatrala jedan prijedlog zakona, četiri izvještaja o radu institucija iz nadležnosti Komisije, kao i druge akte iz svoje nadležnosti.

Na 2. sjednici Komisije, održanoj 12.1.2015., usvojen je Izvještaj o radu Komisije za 2014. godinu.

U izvještajnom periodu nije bilo putovanja u organizaciji Komisije.

Odjeljak A. Zakonodavne aktivnosti

Komisija je u 2015. godini razmatrala jedan prijedlog zakona, i to:

Prijedlog zakona o izmjenama i dopunama Zakona o zrakoplovstvu Bosne i Hercegovine, predlagač: poslanik Mirsad Mešić

(završena druga komisijska faza – negativan izvještaj Komisije)

Predstavnički dom je na 6. sjednici, održanoj 11.2.2015., usvojio negativan izvještaj Komisije, te je Prijedlog zakona odbijen.

Odjeljak B. Izvještaji o radu

U izvještajnom periodu Komisija je razmatrala izvještaje o aktivnostima institucija Bosne i Hercegovine za koje je nadležna, i to:

1. Izvještaj o radu i finansijski izvještaj Agencije za poštanski saobraćaj BiH za 2014. godinu;
2. Izvještaj o radu Vijeća ministara BiH za 2014. godinu, u dijelu koji se odnosi na aktivnosti iz djelokruga Ministarstva komunikacija i prometa BiH i Regulatorne agencije za komunikacije BiH;
3. Izvještaj o radu Državne regulatorne komisije za električnu energiju za 2014. godinu;
4. Izvještaj o radu i poslovanju BHRT-a za 2014. godinu, Izvještaj o obavljenoj reviziji finansijskih izvještaja BHRT-a za 2014. godinu, Finansijski plan i planove programa za 2015. godinu.

Odjeljak C. Imenovanja

U izvještajnom periodu Komisija nije razmatrala imenovanja iz svoje nadležnosti.

Odjeljak D. Aktivnosti vezane za razmatranje i usvajanje ostalih akata

Komisija je u okviru svoje nadležnosti razmatrala sljedeće akte:

1. Prijedlog odluke o usvajanju Okvirne saobraćajne politike Bosne i Hercegovine za period od 2014. do 2020. godine
Komisija je predložila Kolegiju Predstavničkog doma da Vijeću ministara BiH vrati tekst Okvirne saobraćajne politike Bosne i Hercegovine za period od 2014. do 2020. godine, kako bi novi saziv Vijeća ministara BiH postupio po zaključku s 62. sjednice Predstavničkog doma, održane 23.1.2014. (Predstavnički dom je na 62. sjednici odlučio da vrati Vijeću ministara BiH tekst Okvirne saobraćajne politike BiH za period od 2013. do 2020. godine na korekciju i doradu).
Kolegij Predstavničkog doma na 3. sjednici, održanoj 15.01.2015., na prijedlog Komisije, odlučio da Vijeću ministara BiH vrati Prijedlog odluke na doradu.
2. Prijedlog odluke o iznosu RTV takse, u skladu s članom 22. Zakona o Javnom radiotelevizijskom sistemu Bosne i Hercegovine
Parlamentarna skupština BiH, na 10. sjednici Predstavničkog doma, održanoj 8.4.2015., i na 5. sjednici Doma naroda, održanoj 28.5.2015., donijela je Odluku o iznosu RTV takse.
Odluka je objavljena u "Službenom glasniku BiH", broj 45/15;
3. Prijedlog odluke o usvajanju Okvirne saobraćajne politike Bosne i Hercegovine za period od 2015. do 2030. godine
Parlamentarna skupština BiH je, na 15. sjednici Predstavničkog doma, održanoj 22.7.2015., i na 8. sjednici Doma naroda, održanoj 30.7.2015., donijela Odluku o usvajanju Okvirne saobraćajne politike Bosne i Hercegovine za period od 2015. do 2030. godine.
Odluka je objavljena u "Službenom glasniku BiH", broj 62/15;
4. Inicijativa poslanika Mladena Bosića za uvrštavanje u dnevni red sjednice Predstavničkog doma Parlamentarne skupštine BiH tačke: Informacija Regulatorne agencije za komunikacije BiH o cijenama usluga mobilnih operatera u Bosni i Hercegovini;
5. Inicijativa poslanika Jasmina Emrića, koja glasi: „Predstavnički dom Parlamentarne skupštine BiH zadužuje Vijeće ministara BiH da, u skladu s članom 6. stav (3) Ugovora između Republike Hrvatske i Bosne i Hercegovine o graničnim prijelazima (u daljnjem tekstu: Ugovor), pokrene postupak izmjene i dopune Ugovora radi prekategorizacije stalnog graničnog prijelaza za pogranični saobraćaj Kordunski Ljeskovac - Tržačka Raštela u granični prijelaz za međunarodni drumski saobraćaj putnika“;
6. Informacija Regulatorne agencije za komunikacije BiH o cijenama usluga mobilnih operatera u Bosni i Hercegovini;
7. Informacija Ministarstva komunikacija i prometa BiH o dosadašnjoj realizaciji Projekta digitalizacije javnih RTV servisa u Bosni i Hercegovini;
8. Prijedlog izvještaja o radu Komisije za saobraćaj i komunikacije Predstavničkog doma u 2014. godini;

9. Obavještenje Odbora Javnog radiotelevizijskog sistema Bosne i Hercegovine u vezi s novim modelom naplate RTV takse;
10. Dopis Regulatorne agencije za komunikacije BiH u vezi s realizacijom procesa digitalizacije;
11. Razmatranje aktuelnog stanja u poslovanju i funkcioniranju Javnog radiotelevizijskog servisa Bosne i Hercegovine.

Odjeljak E. Ostale aktivnosti Komisije

1. Na inicijativu direktora Sekretarijata Energetske zajednice, u organizaciji Komisije za saobraćaj i komunikacije Predstavničkog doma Parlamentarne skupštine BiH, u Sarajevu je, 25.2.2015., održana prezentacija o temi: „Stanje integracija Bosne i Hercegovine s Evropskom unijom u oblasti energetike“.
2. Komisija je, u skladu s članom 40. Poslovnika Predstavničkog doma i odlukama Predstavničkog doma s 6. i 8. sjednice, 9.4.2015., održala javno saslušanje predstavnika BHANSA, BHDCA i Vijeća ministara BiH u vezi s propustima navedenim u Izvještaju o izvršenoj reviziji učinka o temi “Kontrola zračnog saobraćaja Bosne i Hercegovine”.

Odjeljak F. Međunarodna saradnja, seminari, konferencije i radni sastanci

Predsjedavajući Komisije Momčilo Novaković učestvovao je na Konferenciji „Korak ka poboljšanju standarda u medijskom izvještavanju o novim izborima“, koja je, u organizaciji Media plan instituta, održana 17.2.2015. u Sarajevu.

Članovi Komisije Momčilo Novaković, Hanka Vajzović, Staša Košarac, Šemsudin Mehmedović i Fehim Škaljić prisustvovali su prezentaciji direktora Sekretarijata Energetske zajednice o temi: „Stanje integracija Bosne i Hercegovine s Evropskom unijom u oblasti energetike“, koja je, u organizaciji Komisije, održana 25.2.2015. u Sarajevu.

Članovi Komisije Hanka Vajzović, Nikola Lovrinović i Šemsudin Mehmedović učestvovali su na Javnoj debati „Šta čeka javni RTVservis u BiH“, koja je, u organizaciji Mediacentra Sarajevo i Frontline Club-a iz Londona, održana 20.4.2015. u Sarajevu.

Prvi zamjenik predsjedavajućeg Komisije Nikola Lovrinović učestvovao je na sastanku Odbora za industriju, istraživanje i energiju Evropskog parlamenta, koji je održan 6.5.2015. u Briselu.

Članovi Komisije Mirsad Mešić i Šemsudin Mehmedović učestvovali su na Okruglom stolu o temi: „Izrada novog Zakona o civilnom zrakoplovstvu BiH“, koji je, u organizaciji Direkcije za civilno zrakoplovstvo BiH, održan 18.5.2015. u Banjoj Luci.

Predsjedavajući Komisije Momčilo Novaković učestvovao je na Konferenciji „Unapređenje poslovnog ambijenta i vanjskotrgovinskog poslovanja“, koja je, u organizaciji Vanjskotrgovinske komore BiH, održana 2.6.2015. u Sarajevu.

Predsjedavajući Komisije Momčilo Novaković učestvovao je na Interparlamentarnoj konferenciji „Odnosi javnih radiotelevizijskih servisa i parlamenata u procesu proširenja Evropske unije“, koja je održana 24. i 25.9.2015. u Zagrebu.

Predsjedavajući Komisije Momčilo Novaković, prvi zamjenik predsjedavajućeg Nikola Lovrinović i druga zamjenica predsjedavajućeg Hanka Vajzović su 29.9.2015. u zgradi Parlamentarne skupštine BiH u Sarajevu, održali radni sastanak s Udruženjem kontrolora letenja u Bosni i Hercegovini.

Članovi Komisije Momčilo Novaković, Hanka Vajzović i Nikola Lovrinović učestvovali su na Konferenciji „Dostizanje evropskih standarda u Javnom radiotelevizijskom sistemu BiH“, koja je, u organizaciji Ureda specijalnog predstavnika i Delegacije EU u BiH, u saradnji s Udruženjem BH novinari, održana 8.10.2015. u Sarajevu.

POGLAVLJE III. REZIME

Može se konstatirati da je rad Komisije u 2015. godini bio uspješan i da su svi materijali iz nadležnosti Komisije blagovremeno razmatrani.

U 2015. godini Komisija je inicirala održavanje sljedećih aktivnosti: javnog saslušanja predstavnika BHANSA, BHDCA i Vijeća ministara BiH u vezi s propustima navedenim u Izvještaju o izvršenoj reviziji učinka o temi „Kontrola zračnog saobraćaja Bosne i Hercegovine“, tematske sjednice posvećene utvrđivanju visine RTV takse, okruglog stola o temi: „Izrada novog Zakona o civilnom zrakoplovstvu BiH“ (u saradnji s Direkcijom za civilno zrakoplovstvo BiH).

Komisija je donosila određene zaključke s ciljem poboljšanja stanja i pokretanja aktivnosti na realizaciji određenih procesa u oblastima za koja je nadležna (proces digitalizacije, imenovanje Uprave BHANSA-e, energetike i sl.).

Komisija je kontinuirano sarađivala s Vijećem ministara BiH i resornim Ministarstvom komunikacija i prometa BiH, pa su ministar komunikacija i prometa, kao i sekretar Ministarstva redovno prisustvovali sjednicama Komisije.

PREDSJEDAVAJUĆI KOMISIJE
Momčilo Novaković

Prilog: Tabela 2. Tabelarni prikaz prisustva članova sjednicama Komisije

Ime i prezime člana Komisije	Broj sjednice i datum održavanja sjednice Komisije													
	2	3	4	5	6	7	8	9	10	11	12	13	14	15
	12.1.2015.	9.2.2015.	9.3.2015.	23.3.2015.	23.3.2015.	7.4.2015.	27.4.2015.	25.5.2015.	8.6.2015.	14.7.2015.	20.7.2015.	29.9.2015.	18.11.2015.	8.12.2015.
Momčilo Novaković	+	+	+	+	+	+	+	+	+	+	+	+	+	+
Nikola Lovrinović	+	+	+	+	+	+	+	+	+	+	+	+	-	-
Hanka Vajzović	+	+	+	+	+	-	+	+	+	+	+	+	+	+
Amir Fazlić	+	-	-	+	+	+	-	-	+	-	+	+	+	-
Staša Košarac	-	+	+	+	+	-	+	+	-	-	-	+	+	+
Šemsudin Mehmedović	+	+	+	+	+	+	+	+	+	+	+	+	+	+
Mirsad Mešić	+	+	+	+	+	+	+	+	+	-	-	+	+	+
Fehim Škaljić	+	+	+	-	-	+	+	+	+	+	+	+	-	-
Jovan Vukovljak	+	+	+	+	+	+	+	+	+	+	-	+	+	+

Tabela 2. Tabela prikaz prisustva članova sjednicama Komisije